

789 Unz an den tac, daz Parzival  
 unt Feirefiz, der vêch gemâl,  
 mit vreuden ûf Munsalvæsche riten.  
 nû hete diu wîle des erbiten,

5 daz Mars oder Jupiter  
 wâren komen wider her  
 al zornec mit ir loufte  
 – sô was er der verkoufte –,  
 dâr si sich von sprunge huoben ê.

10 daz tet an sîner wunden wê  
 Anfortase, der sô qual,  
 meide und ritter hôrten schal  
 von sîme geschreie dicke,  
 unt die jâmerlîchen blicke  
 15 tet er in mit den ougen kunt.  
 er was unhelfecliche wunt.  
 Si mohten im gehelfen niht.  
 iedoch diu âventiure giht,  
 im kœme diu wâre helfe nû.

20 si griffen herzen jâmers zuo.  
 Swenn im diu scharpf, sûwer nôt  
 daz strenge ungemach gebôt,  
 sô wart der luft gesüezet,  
 der wunden smac gebüezet.

25 Vor im ûfem teppech lac  
 pigment unt zerbenzînen smac,  
 müzzel unt arômatâ.  
 durch süezen luft lag ouch dâ  
 drîakel unt amber tiure.  
 30 der smac was gehiure.

daz M. unde (om. G) Juppiter \*G (ohne Z)  
 wider komen \*T

– dô ([\*o]: So L) was \*G (nur GI)

sînen \*G (ohne Z) \*T  
 Anfortas, der alsô qu., \*G (nur GI)

von s. schrei d., \*T  
 und (om. L) jâmerliche bl. \*T (L)

ditze st. \*G (ohne Z) (\*T)

der w. gesmac g. \*T

↓\*G

der gesmac was g. \*T

---

\*D: D \*m: m V (mit 789.2<sup>1</sup>-2<sup>2</sup>) \*G: G I L Z \*T: U

---

1 Initiale D L Z 5 Initiale I 17 Majuskel D 21 Initiale m V · Majuskel D 25 Initiale I · Majuskel D

---

1 Unz] ÷nz D 2 vêch] lieht \*m (nur m) 4 des] der \*m (nur m) 10 an] om. \*m 23 sô] dô \*m (nur m) 26 pigmente ([piement]: pioment I Pidimend Z) unde aberac (amerac I der svsze smach L zv robanzerin smac Z) · zerbenzînen] zerbenznîen D